

56 pesilat akan sertai peringkat akhir pesta kebangsaan

26 AUG 1986

SERAMAI 56 orang pesilat akan menunjukkan keahlian menangan dan mengelak dengan gerak pantas dalam peringkat akhir Pesta Silat Kebangsaan tahun ini.

Mereka terpilih daripada 210 orang pesilat, setelah enam kali turun ke gelanggang dalam peringkat awal pesta tersebut.

Peringkat akhir pesta anjuran Persekutuan Silat Singapura (Persisi) itu akan dijalankan di Dewan Badminton Singapura pada Sabtu dan Ahad ini.

Itu dijalankan sempena Pesta Sukan Singapura.

Menurut pengerusi pesta, Encik Johari H.M. Uriff, buat kali pertama, dua jenis pertandingan diadakan serentak dalam pesta itu — olahraga dan kesenian.

Pertandingan olahraga dibahagikan kepada empat bahagian — bahagian dewasa dan remaja lelaki dan wanita.

Kecergasan

Dalam pertandingan ini, para peserta turun ke gelanggang dan menunjukkan keahlian dan tenaga untuk menundukkan lawan.

Pesilat dalam pertandingan olahraga berada dalam 15 kelas mengikut berat badan masing-masing.

Dalam pertandingan kesenian pula, lima kumpulan pendekar dan tiga kumpulan srikandi akan bertanding.

Mereka akan diadili dari segi kerapian persembahan, gaya serta langkah, dan kecergasan.

Tiga orang pengadil dari Indonesia yang akan dipilih oleh Persatuan Silat Antarabangsa (Persilat) akan mengadili kedua-dua pertandingan itu.

Hadiah

Menurut Encik Johari, Persisi memilih pengadil dari luar negeri untuk mengelakkan sebarang keraguan dalam keputusan pertandingan dan atas permintaan perguruan setempat.

Antara perguruan silat yang akan diwakili dalam peringkat akhir pertandingan ini ialah Alhak, Sunda, Panca Sakti, Gayong Perwanit, Sendeng Belalang, Cekak dan Setia Bakti.



• ENCIK JOHARI
'Dua jenis pertandingan
diadakan serentak.'

Presiden Persisi, Dr Haji Ya'acob Mohamed, akan menyampaikan hadiah dalam pesta tersebut.

Orang ramai yang berminat menyaksikan pesta itu boleh mendapatkan kad undangan berharga \$2.00 untuk kedua-dua hari, dengan menghubungi Jabatan Sekretariat Persisi melalui telefon 2517509 dan 7459605.